

蒙古問題

夏口汪翔著

地520  
3413

蒙古問題序

汪君鳳池著蒙古問題都爲十章其言曰十年前之滿洲問題卽近日之蒙古問題也傷哉言乎頃聞奉吉匪亂情狀報章日有所告輒閱之不憚竊念自清季經營滿洲卽已形格勢禁岌岌乎無所措手以視今日之蒙古問題又當何如吾獨怪怪民國以來旣號稱五族共和何至荏苒五年竟置此問題於不顧夫旣言語之不通文字之不達宗教政治之不相統一則所恃以爲團結力者安在卽無外人爲之誦惑亦終於形勢渙散精神不屬甚或乘間抵隙致發爲內訌昔日羈縻之術旣誤於前矣安得不謀所以



蒙古問題

序言

一

奉天裕盛銘排印

善其後也我國人覩斯冊其知所警乎

愚弟夏壽康

蒙古問題序

內外蒙古爲我北部之屏藩者三百年矣前清以愚民政策羈縻之故其風俗樸野智識瞽僂自生自息蟄伏於專制政體之下其物產魁殊金沙丹礫磅礴鬱積於地中者不知紀極自西力東漸俄瞰於北日伺於南搏搏大地足以爲我國富強之源者羣思攫而有之蒙古一隅遂爲世人之所重視東西人士組織探險隊實地調查編爲雜誌以供各國之參攷日俄兩國復朝夕經營陰謀勾結肆其籠絡之術以蠱惑蒙民我國上下欲思固我疆圉保我富源其非可徒恃交涉以爭勝於樽俎也可知矣必有以處

蒙古問題

序言

二

奉天裕盛銘排印

後懲前爲事實之經營俾蒙古人民一變其卷婁濡需偷惰窳弛之習改良政治發展實業自治制度日臻完善則既不違背中俄協約之所規定而漢蒙一家如臂指之相維繫彼強協約之野心庶其少戢乎汪君鳳池固有心人也從公餘暇於挽救蒙古之策實地調查多方攷証著蒙古問題一書以餉當世供政府之採擇於蒙古盛衰之原及後此所以補救之道言之綦詳爲我國言蒙事者所未及以視仁和龔自珍氏僅著氏族表及水地台卡像教等志者其用心迥不侔矣余感其用力勤而所見者大故特表而出之以告世之讀是書者漢陽田文烈

蒙古問題序

僕讀蒙古問題竟不禁廢書而嘆曰是皆然矣嘗竊憶朱明季世遼事孔棘吾鄂熊公芝岡所以策遼者至周悉疏牘無慮百數其言曰今日之禍皆前日明白所已言後來之禍自今日理勢所必然奈盈廷充耳明社卒因以屋夫斷臂如可全身今之蒙事僕亦不欲復言然明棄遼竟棄其國蒙事則何以異吾友汪子鳳池痛蒙禍之愈深也蒙情之易離也因蒙之終吝也籌蒙之不切也故鑒往察來而有蒙古問題之作問題者今世政學新名言立此題以爲問須就此題而作答所以發吾

蒙古問題

序言

一

奉天裕盛銘排印

全國同胞之深省也傳曰生聚教訓易曰聚人曰財漢蒙隔閡一家胡越循環報復有戾人道甚矣是以於一篇中三致意焉又見疇昔策蒙之專尙軍政與夫驟改縣制之徒耗國帑無裨民生也凡所敷陳均從踏實二字做去而於修變齊易之中隱寓張弛綱維之妙總之不離乎儒治者近是今者政爭亟矣吾國士夫其肯少平意氣從汪子以研究蒙事乎歲不我與請披附錄諸協約

大冶葉開寅

自序

乙卯需次瀟垣越春徂夏昏昏眠食百無聊奈因思古人立身養性之道不外讀書乃檢笥中陳籍披閱讀誦如逢故友其所未得時赴圖書館求之黃安黃德丞先生素習佛老之旨朝夕過從談空說元心領神會久益覺名教中自有樂地彼傾險之人情艱苦之宦味溫涼之世態煩惱之愛情真如雲煙過眼無所忻感於其中也先是春初奉檄赴洮南各屬考查司法蠻荒初闢戶零丁稀審檢監獄雛形未具原無一顧之價值乃以餘力考詢蒙地人情風俗與漢滿兩族之異同及昔者鐵

蒙古問題

自序

一 奉天格盛銘排印

木真時代所以強盛與近代所以貧弱之故又民國以來蒙族勢漸離畔我國家應及時籌畫補苴之策著爲日記事竣旋省復博採中東載籍中凡關於蒙古滿洲者悉取而覽之東籍尤詳博更擇要而逐譯之仲冬省大吏創設政治研究所置蒙務一課余時主辦南路清鄉車塵甫息輒取嚮所爲日記及逐譯者編列目次刪煩綴漏罄五日之力而成茲篇約二萬一千言命名曰蒙古問題光陰荏苒轉盼秋風蒙匪巴布扎布曩寇西邊歸化綏遠均爲震蕩多防軍竭全力始予擊散而虜情反覆向不得志於西今又求逞於南窺項城暴逝政

局搖動之時於海拉爾方面盛募匪徒所謂宗社黨首領榮勳等利用之助給資金由哈爾濱分兩路南下一由索倫犯南荒原一由烏珠穆沁旗經圖什業圖旗以侵突泉縣遂佔領之將有窺洮南之勢討伐軍洮昌鎮守使吳興權氏失慎負傷全局震動未幾官軍克復突泉匪敗竄疾奔而南中途無阻遂至梨樹縣屬之郭家店與金壽山遺孽自號宗社黨金鼎臣之徒結合藉租界爲護符仰外人之鼻息官軍大集包圍方予懲創遽議停戰卒許放歸原旗匪黨隨之復劫燒朝陽坡數十戶沿途騷動數月以來內搖國本外惹邦交傷軍帥死

蒙古問題

自序

二

奉天裕盛銘排印

士卒燬民房損稼穡商賈窮困鄉農流離耗餉精數百萬竭軍力三四省不過爲一無智無能無氣無力之巴匪所致耳可勝歎哉國家之事敗壞至此強鄰安得不生心者由今思之曩所著蒙古問題一冊竟不幸而言中又京外籌蒙之策多與鄙說吻合或尙不及其簡要著明友人等慫恿付梓因亦不避固陋藉貢獻於時深冀當世士君子采葑菲而辱教之勿閑却此焦眉之蒙古問題可也

丙辰秋八月汪翔鳳池甫識於梨城

蒙古問題目次

第一章 緒論

第二章 蒙古衰敗之原因

第三章 前清對蒙古之愚民政策

第四章 蒙古開拓之由來

第五章 蒙漢兩族舊存之惡感

第六章 內外蒙古之離畔

第七章 蒙古畔亂與外交之關係

第八章 中國今日挽救蒙古之要策

(甲) 政治上之經營蒙古策

蒙古問題 目次

一

奉天裕盛銘排印

一 宜改良宗教以破頑迷

二 宜提倡社會教育以新知識

三 改訂扎薩克制度以合自治機關

四 減設軍政各機關以紓財力而安民心

五 規訂特別訴訟法以期支配蒙民

六 勸令蒙古王公及有力者組織游歷團以廣聞見而融感情

七 各行省宜選派蒙古視察團以調查事實

八 編練蒙古馬隊以固邊圉

九 移秦晉魯直及東三省之軍隊以實蒙荒而行屯田

之制

(乙)

經濟上之蒙古經營策

一 興修鐵道以闢利源

二 改良農作以增收穫

三 開採鑛產以探美富

四 採製食鹽並推廣銷運

五 推廣牧畜併改良種殖

六 創辦製毛製革公司暨講究輸出之方法

第九章 結論

第十章 附錄

蒙古問題

目次

一一

奉天裕盛銘排印

一 中日新條約

二 日俄協約

三 俄蒙協約

四 俄蒙議定書

五 中俄關於蒙古初次協約

六 中俄關於蒙古再次簽定之協約

例言

- 一 是篇成於去冬擱置近一年始議發印故此期間經過之事實或與書中所叙不無出入
- 一 篇中所述蒙古近狀暨蒙漢兩民族間之種種惡感多得諸同里劉珩生先生因先生懷璋異之才抱卓特之志出入蒙境者二十年現居洮南曾發起組織邊民聯合會慨乎言之篇中所陳多出自先生緒餘故特表而明之
- 一 蒙地沙漠曠渺戶散丁稀其交通上物質上之關係實不易多數人集合近年巴匪迭次作亂動輒

蒙古問題

例言

一

奉天裕盛銘排印

聚衆千數百人事前毫無知覺不得謂非防範之稍疏弛也籌蒙者宜察焉

- 一 近日國中上下言籌蒙者多謂宜改蒙古爲行省或設特別行政區觀今日中國之物力人才各方面恐不能辦到卽令竭蹶以赴實際上亦決難望有絲毫之神益徒敷衍虛名銷耗國帑而已作者不能贊同之

- 一 近邊各蒙旗向來稍見開闢疆吏卽報明政府爲設官分治表面雖似謀進行實則不啻阻窒作者深信軍政各機關不利於籌蒙政策故於篇中言

之綦切（政治上經營蒙古策第四項）曾文正公有云方今民窮財困吾輩勢不能別有噢咻生息之術計惟力去害民之人以聽吾民之自孳自活而已卽是意也

一 中國向來流行之一種懷柔政策實誤盡國家大事若國勢強盛彼族畏威乃可以言懷柔今不求諸本徒知封活佛册親王優賞賚厚羈縻今日派宣撫明日議召徠徒自示弱點使彼心生離異而已望當道熟察之

一 今日挽救蒙古之策莫要於倡興教育爲彼族謀

蒙古問題

例言

二

奉天裕盛銘排印

知識之發展急修鐵道爲內地圖拓殖之便利生聚教訓雙方併進而後由京津等處選派文明警察分地巡駐平時資之求行政上之敏活有事則改軍以充武備篇中於此三致意焉閱者識之

一 篇末附錄中日俄蒙各項條約藉覘蒙古近日之情狀與外交之關係深冀閱者反覆研究討論專尋實際勿涉虛文外審國情內屏客氣庶乎籌蒙政策不流於燃膏自煎是作者所厚禱也夫

蒙古問題

夏口汪翔著

第一章 緒論

大興安嶺之旁阿爾泰山迤南廣大之高原面積達一百三十六萬八千方哩人口約三百萬嘗產不世之怪傑成吉思汗奮百萬之鐵騎席捲歐亞震撼一世者非昔時之蒙古乎星移物易曾幾何時宛蟄龍之瀕死延殘喘於平沙風雲迷漫難覩曙光與西藏同稱爲世界之黑暗而未浴近紀之文化者非今日之蒙古乎在昔閉關時代抱陳守秘自生自息尙屬一局部之廢興今則非其時矣近東問題旣成導火之線極東問題難禁越俎之謀蒙古一隅

蒙古問題

一 奉天格盛銘排印

北有暴俄南有狡日十年前之滿洲問題卽近日之蒙古問題也滿洲已橫截爲南北蒙古復隱括爲內外近頃中俄中日交涉每滿蒙併稱蒙之爲蒙已非復吾囊中物也不亟圖據援匪惟蒙將不存而國亦不國矣今國中上下亦多見及此顧侈譚邊略者或謂宜改蒙古爲行省以策進行其果於蒙有益與否急宜研究蓋此中得失若不熟察其致病之處又烏明夫救濟之方茲試覩陳於左藉備萬一之採擇焉

第二章 蒙古衰敗之原因

蒙古自元代以降英主迭出本其雄圖壯略領有曠世之

大版土儼如旭日升空然其統御之方純恃武功非有政治之能力其領土內諸國凡制度宗教風俗習慣各自有其歷史故統一頗難一旦制壓力稍緩卽呈土崩瓦解之勢此衰敗之主因也其次則喇嘛教之侵入民族均被淘化朝夕誦讀經典不識不知受治於無氣無力之王公漸成政教一致或教權反凌政權焉其次則王位繼承不採父子相續法而用古列魯台之決議於宗族中推戴一最有力者任統治之大權致釀同族內之紛擾他若財政困難亦其衰敗之原因頻年興師耗巨額之軍費又歷代王公迷信喇嘛供養之資動輒千百近日蒙人凋敝情形

蒙古問題

二  
奉天裕盛銘排印

莫可言喻實皆坐此病耳

第三章 前清對蒙古之愚民政策

當滿清勃興之初大有賴於蒙古種族之力得藉以覆明宗而掌握四百餘州之山河迨入關以後一面賞其功績渥予待遇然鑑於中國歷朝之史事恐留此北方之強將來或以禍中國歷朝者禍清代不得不努力於抑制之策凡可以防遏蒙族人口之增殖智力之發展者手段不一盡巧極妙故其待蒙古也表面雖儕於滿族而實則利用其弱昧三百年間虛崇紅教使蒙族沉溺迷惘生齒日減愚民之策莫此爲甚每一王公承襲理藩院上下其手運

動之費動耗巨萬每一年班所得賞賚不及百金而往返耗費千百倍之每尙一主扈從極衆需用極繁繼李未廣債台已築又或因其好訟往往派員清釐或專使查辦騶從所蒞十室九空顛倒黑白迄無完結清廷雖知之而莫之恤蒙人處積弱之下亦莫敢誰何究其內附之心已漸薄弱故民國初建外蒙立畔內蒙亦幾不保雖由外人之煽惑抑履霜堅冰所由來也

#### 第四章 蒙古開拓之由來

蒙古之地沙漠曠渺山脈銜接五十年以前世人多以是爲磽确不毛之土全不適於耕耘豈知不毛者乃一部分

#### 蒙古問題

三

奉天格盛銘排印

之少數餘皆沃野平原與哈爾濱同一良好之農作地域也第蒙古人向事遊牧不解耕種之術習於嬉惰或以農作爲下賤之業以故熙熙周原百年間曠迨人智進步人口蕃殖奉直秦魯各省充溢之滿漢人以平和的侵略逐漸移墾或其世爵迫於債累招民耕種以圖租入清廷因勢利導藉以籌餉兼以安插人民而分以荒值內蒙四盟陸續出荒招民如卓索圖盟哲里木盟昭烏達盟各旗均一變其封鎖之舊清季肅親王巡視蒙古復與熱河都統奏請開放巴林阿魯科爾沁及札嚕特三部五旗之地於是蒙古農業勃興開拓之勢著著進步現下由滿漢移民

之手既開墾之熟地僅卓索圖盟各部約達二百萬方畝其收穫每年不下壹千五百萬石若將來全部墾種其發展之狀態實不難逆觀也

第五章 蒙漢兩族舊存之惡感

上述蒙古開拓之舉或不無受清廷之壓制或出於該王公之主持而非旗衆所甘心者故每一放荒其旗衆莫不忍氣吞聲蓋移墾之漢人既衆則本旗之蒙丁漸被驅逐其語言習慣兩不相適於是更逐水草舍而之他流離轉徙因之失所者頗夥平情而論本非漢族有意相排亦非清廷存心偏袒而蒙人溯其所由則曰漢族之奪其生計

蒙古問題

四

奉天裕盛館排印

此惡感之所由來也

漢民既得可耕之地卽聚族呼朋浸見富庶蒙民既不諳耕耘加以日用之資信教之費所出浮於所入漸致債台

高築或以其留界

凡放荒之區原有蒙人住在者向皆酌留牧場謂之留界

招民佃種食其租入

究之坐食無爲久遠不能繕柱其地終歸歸佃有事後溯其所由亦曰漢族之奪其生計也

漢族農民以外尚有營業於蒙境者大抵五方雜處皆新集之客民其市僧一流對於蒙人或以利誘或以術取蒙人賦性愚直多有受其詐欺致傾家喪產者又或聯親結義外示密近內懷鬼胎汚蠟其妻女騙取其牛羊蒙人受

侮既久蓄怨漸深一旦挺而走險遂出於劫殺之途財產生命同歸烏有蒙漢遂兩敗而俱傷

世界人類之心理莫不有自尊自大之習蒙古以成吉思汗之胤全球駭目號稱強宗滿清之際雖被屈服而表面則優崇於漢民重之以婚姻縻之以好爵故其夜郎自大引滿族爲弟昆直視漢族爲奴隸或曾被征服於其先民之仇敵焉當蒙荒未開放以前漢民之承佃墾種者介居於衆蒙之間蒙人每恃衆相凌齒爲賤種或有爭訟其扎薩克必曲爲袒護漢人常處於抑屈之地稍事強項驅逐隨之又蒙民之游惰兇狡者覩漢民之農殖致富或羣聚

蒙古問題

五

奉天裕盛銘排印

不逞爲患於四鄰漢民之生命財產爲所破壞者往往而是及搜捕既至其扎薩克必多方阻撓故雖鄰里而視同寇讎是又蒙漢兩族相惡之原因也

第六章 內外蒙古之離畔

上述蒙漢兩族間舊積種種之惡感以致不能相容又其王公貝勒窺知清代抑制之手段與虐待之歷史久已心難甘服外人復煽惑於其旁曰爾政府之愚弄爾也爾漢民之欺侮爾也爾國家將被瓜分不足以庇護爾爾其附我我能貸爾以金錢假爾以軍械爾政府無能爲也蒙人仔細思之其言皆信其利甚甘遂不覺入彼彀中恰值清

政不綱辛亥革命事起不數月而南北一統五族共和庫倫活佛遂乘機蹶起宣告獨立結援於俄脫離民國之羈絆時政府方謀建設內治調協黨爭議剿議撫莫決端倪內蒙如扎薩克圖郡王鄂公亦相繼犯順雖經討平更予廢立究其心存離異實不自今日始亦不止扎薩克圖一旗也

內蒙烏泰一役實漢蒙兩族惡感積發之特徵此一役也既結一惡果又種無限之惡因蒙人以獷悍之衆得畔亂之機舉平夙積鬱之氣睥睨之恨皆將於此洩之以快其志故其劫掠燒殺慘毒無人理三族之親五等之戚均不

蒙古問題

六

奉天裕盛銘排印

獲倖免焉泊漢兵既至遂倉猝瓦解奔竄無餘而附亂者之族黨與無辜之蒙民乃丁其厄而叢其怨嚮時所以施之漢民者不轉瞬而返諸蒙族矣蹊田奪牛或且加甚焉聞軍警中人有勾結土豪朋比局詐觀蒙人之與漢族雜處而有資產者則誣以從逆虛詞恐嚇必盡其膏髓而後止乙卯初春<sup>翔</sup>奉長官檄赴洮遼各屬考查司法若鎮東安廣洮安等縣皆變亂之燒點目擊地方凋敝情形感作古風一章名曰傷亂行不避譴陋錄附於此藉窺當時景况焉

曉發鎮東城暮宿托圖寺道塗罕人行膏疇蕪不治

相彼墟落間十九盡荒棄問彼胡爲爾未言先垂淚  
共和昔告成蒙寇倏然至劫殺鮮人理婦稚無可避  
坦腹王家郎投鼠器不忌康公我自出剗刃如未識  
遠者聞風逃生全偶然遂再來室已毀談虎心猶悸  
我聞老蒙古樸直寡奸僞游惰習性成久益迫生計  
漢民欺其愚狡焉逞機智惡感積已深一發遂橫肆  
豈無惻隱心聊以快其志豈不憚顯戮鋌急走且試  
雄兵一朝臨肝腦竄荒地回憶嚮所爲潢池弄兒戲  
亂後搜捕嚴奔向外蒙寄良懦苦無策身家乃大累  
蹊田奪之牛武夫尤暴戾奸民伺其旁告訐窮羅織

蒙古問題

七

奉天裕盛銘排印

財產侵沒盡雖生亦顛頓五族大共和蒙漢豈有異  
鬪牆張角弓操戈尋同類耽視有強鄰坐擁漁人利  
及今不爲謀將有噬臍悔我來洮河濱行役日攬轡  
擊茲喪亂情觸感悲憫意秉燭發長言且當東蒙記

第七章 蒙古畔亂與外交之關係

在昔六十年之際俄羅斯帝國大學設蒙古研究之分科  
當時人咸度外視之以爲特學者好奇之資料而不知今  
日俄國對蒙巧妙之政策與優越之地位實基於此當我  
國辛亥革命之秋俄外相與議會之演說縷縷數萬言闡  
發蒙古之真相一一均中肯綮駐在北京之俄國公使科